石

遺

室

文

集

小孝兄弟 蜡落 禮春秋左 耳之 热經 一出古 ĮŽ, 팿 **啊正之授書動數千言若書禹貢左氏傳公子** 傳每晨寢未與命不孝立床前背誦 四 腫 城濮之戰巡之戰鄢陵之戰皆起訖作 氏 早起妈 傳 ,讀皆先君子自課 時號稱名師者 小戴 禮 蹶勉成 可與言哉章 始 讀 誦 不考生十 曲 禮 則甚喜褒獎憶六七 爾雅始讀 為 俠 官陳 業詩書 所授書 衎 日

講授陶 極出 詩也章喜其音節悲涼抗聲朗誦不已先君子方 星尤微牛六星女四星亦微教之 於色 淵 Ш 月遂觀閔凶哀哉 地中星歲差諸 城西小西湖恰 夏膜常 楹事汝知之乎特翻檀 坐指東方七宿南方七宿 明與子 不逍室文集卷 謂不孝於書理殆有 終夜不寐 說 山諸蘭若城東温泉 伯 風 四 夜忽語 日清美常提携適 神會所居後園 示之謂角星甚 夜 南節次 月至 微

支體: 記 眵 有 若 數月見者 廢 妣 蓋 **吵諸毁傷也** 日千百其堅者礪厨刀節 王 妣 畫 俗 氏 因 生不 相 Щ 傳胎 戒勿屈 īM 考於 B 則就先君 先姚笑弗顧 隆藜蒿 影所嚮 腷 腰 呂 州 數數揮 若剪刀雞 没人 井 授唐朱人 樓 朋 傭 節短之尺寫度時方 門 刃 以恶木先 龍 僮 恐誤殘腹 線及之且鉄 Щ /詩言 仙遊人 一麓老 妣 自 愿 中兒五 唇 執 而 有 胺 柳 鎌 力 圆

街

屋後

又有

腏

園

先

妣

所以

斬伐燕穢者

加

書之

騪

則

汰

凤

礫

簁

細

4

盐

畦

V

「日見られて自己と

IJ

督之

鋤

地藝菜夜

久之槎蘇塞屋不孝

亦

胍

呱生矣不孝生

七

年

移居

田

園

耕

留 明與子儼等疏先妣終身樂誦不忘今不孝少 侯皆 世網 連 楊繼盛左光斗諸 一特五六焉不孝數十年來事科舉入仕途傭力 不能 外蔬藏荚生實根諸 棄養十餘寒暑不獲 爲 則先此之願也嘗云吾畏痛楚若男子也能 勉為所不欲 忠 去 不近当の名名で 地先 臣 聞先君談 君窪不孝兄弟有所樹 爲土膏旬萌之務重所 公事情然久之先君 物 明臣以廷杖為榮及方孝 靡不種植 日見悲夫 Ï 課 不孝 習據於 衣食裁 晟盤 讀 於 景

書仲容六姊事 有六年而未許字時江西巡撫沈公葆楨方居鄉爲船 姉諱芷 畢呈林夫人喜 請聘爲長子瑋慶繼室授室之日林夫人 其叉次年沈公總督兩 奉舊簿記數册珠盤 林夫人憂之無如何無何長婦卒林夫 且告 臣其夫人林氏病痿不能理家事長婦亦病廢於床 畀叔姒之寡者某氏歲入數千金不數年負責巨萬 洲字仲容於諸女兄弟中最英朗有知處生 奉姑命撙節家用數年舊責已畢清沈公不覺 一百貴室文集餘四 曰吾乃今不仰賴他人矣無 使姊核計分四柱數須臾布算告 ÝΙ 摪 行姊屏當出入簿記呈沈 人聞姊能使媒氏 、超坐 何林夫 榻上命

年十二月也亦異矣 矣政容久之瑋慶善病不能刻苦力學取科第爲二 起立拱手曰吾向此以責償還無日爲憂今得爲乾淨 霽顏姊生 子夢皆奇 駁不能悉 記卒前數年夢至明莊烈 市陵穹碑宛然以爲異日當自經死乎豈知乃卒於甲申 姊旣歸瑋慶激勉問學以余伯兄為師沈公夫婦從而 僚從父昆弟有成進士者沈公夫婦故籠異之瑋慶愈 1 | マネスとロー・ハイング 親 肵

堂上 微醺進內解衣寢入夜復興閱文書見客子而罷有事 能或留客食食必以酒酒黃白具肴蔬果並食 談謝安西州門故事辯證良久乃行 **睡夾以火爐蓋分一** 而罷然後食悉如 公日凌晨興披閱文書有事則遲明余初見公約遲 月脫橐數萬言其要者往往閉門謝客終夜不寝 而後成書劄有發行數百里追還易數字 張廣 督兩江時 辦燭 雅相國逸事 以待尋常長已見客午而罷然後食有事 **阿**石遺室文集卷四 日輿至旱西門呼材官詢其處命駐輿 日中不解衣寢或不進內冬寒坐 日若兩日也奏議告教不假手他 者 四 一飯一 數 易棄 籐 明 倚 與 粥 何 往

善其虛心類岩 所謂 况金質之柔乎因言金幣重二錢餘約參銅十之一公稱 公嘗 召詢余曰公創鑄中國銀幣者銀質畧剛造幣且 稻必齊月令早言之矣公急稱秫稻必齊者再且 何忘之又嘗閱余貨幣論說有言金幣中參銅者疑之急 十畝種稻稻以造黃酒秫以造燒酒也余曰若然 汗酒公日不然晉已有之陶淵明傳云五十畝種 因置酒問坐客燒酒始於何時余曰今燒酒殆元人 此 須參 曰吾奈 則 秫

救之獄十有二 般氣憂憤力自急煎獄解喜樂怠與病抗遊亟坐 有詩數千首時寫楊椒山先生故宅松筠庵素嬴善病方 部獻建甯張亨甫先生 書姚石甫張亨甫兩先生事 先生於其上署 且 桐 傳思伯子堂集是 榻前取生平詩十數巨册首首使誦之張先生曰留則 松筠庵素服受吊遂舉張先生極護往 城姚石甫先生 死矣張先生故以詩豪於時生三十餘年旅食四方已 日 留字曰去署去字三日 白以同 地 烂 既殯姚先生赴於京 任福建臺灣道坐夷務被 一際亮方客姚所數千里奔京師營 知發往四 川未行而 桐城為位於家赴 畢目 師 知交爲位 功 張先生 誣逮下 一姚先 姚 一病 於 斦 刑

Company of the second state

家後六十餘年余識姚先生孫丞槪於京師述其事使余 葬焉姚先生窘於貲遺命長君卒刋遺詩行世板歸諸其 於鄉之知交素服受甲見者大怪城既乃歸其丧於建甯 記之云 一不造室文集卷四

劉 九岸兩社尤狡悍出草者 **廢具與首撫番開墾而生** 法越兵事既定臺灣政行省合肥劉公省三實爲巡撫 行抵臺北內 公招余 加九岸生番名馬來詩脉者 帕 十人取其首十九去番俗能殺人首纍纍繫腰 入幕 山加加 頂 行直搗 m 戴 渡海至淡 九岸記 之麻 加 九岸時光 裏翁社 生番 番出草之案 水則公已進兵寄語管務 突出殺 一人夜半至官設樟腦 殺人尤夥劉公怒進 十二年 仍 人之謂始伏莽 倭官陳 屢吿麻裏 九月也先 衍

者 君 與夫方 间 崩 科 賓實偕 彤恩 迎 天 圧 降 闻 坎 輿 短 小 調 顧 ĺĺI 絕 行 余若 笑 渡 澗 植 住 地其層 更番 衣徒步自 也路 Ш 數 遺室文集卷 帮 立必不可坐 颔之亦 恭 辨撫 不畏 里 逢 Ż 路 級皆泥塗 人 派 是至 墾臺 臨 屬蒙密覆翳 ĺЦ 笑 巡 爴 番率被 則伐 防 前 相 路 兵二 即權 间 加 敵 人林時 五 民言 此 F 濡 九岸凡 則 + 岸 淧 滑 來 幒 巨木 劉 甫 其 興夫已 人荷館 開 觀戰余 नि 路 方 巡 **小**至 軍士 撫 館 喘 衞 林 至 作 里 連 以刀 重 彼 妣 健 息 爲 雨 遂 剜 μ

TO CHANGE OF THE PARTY OF THE P

前矣 投求免 野 水 知 易惜諸 至僧劉公 日 何以兇 **嵖憧出没闻隔** 一片平坡十餘 死 ||一丁哲学に | 生代学に 一般之 畓 撟 祉 恐 方 如彼 己 、晩食 就 阻來者言已歎 即即 业 撫 畝 無戦 山中木皆百 揖 距 庥 厪 事 人 溴 坐 里許 [i] 翁肆言 觀 嬔 一謂書 馬來 起視 則 十丈灌莽尋丈 兩足疲痰木 則 詩脉率 生健步若 曾見云 我迹多 白 晳 數 獨

發於 樓復擎 方而平故四面望之如一問往遊水程幾何日 側 同 哂 人欲 無足 徑渡 泊 横玉界尺一方舟人曰君山也數須臾抵岳陽樓下 夏 而去曾幾閱月於茲耳涵虛湖 親出 君 上舟人 舟行遇南風十有 狀有怖者抵 遊 里 山沙洲 者 家 而 經虞帝二 競 明 强耳冬際水落避 晨 **歴 想 有 互 於 其 際 者** 起峭帆 遂 山起行 妃墓 往 天向 小 九日至城陵磯其夜將半大 一相上 舟坐 泥渚數百武 明 五六 沙洲磐折行當三 見水勢呀然 拔壠茶 水陡落數丈登后 人 樓 中道 至 拗 劃 風 洞庭君 行時 作碧 水平時 士為言 別 廟 絕 色 風

丁書言とした言に記し

遊

之意 起 遠直使人生 亭欖全湖之景想煙 業 亭有樓則 朗吟亭入堊空水瀰漫不見涯涘洞庭以西 BACK PROPERTY OF THE PARTY OF T Ш 鄭德璘諸軼事滿湘洞庭問 中舊有數 如或遇之今僧言 山中 ニイジンヨークキスキュー 一种學 十勝蹟 最高處也 A CONTRACT OF THE PROPERTY OF 遐 月靚清雲水盪碧與雁聲搖落 引之思於無窮也 山方廣七里並無峰醫多種茶 如 向讀唐人小說若 橋井傳書亭存者無幾然 一種芳馨蕭瑟夷循綜 柳毅 湖為泱漭 记人 朗岭 為 渺 茲

歸途 山記

復道 陳自 後 為茲山之非大別莫明於左氏傳吳楚夾漢子常 凱 山 嚴六月余之長沙浮海师江至夏口阻 肃 見漢旣作五言詩一首 **久鎭荆** 山龐然隆也上有禹廟 人工故迹蓋唐以來以茲山當古 也獨記說文解字 人皆謂在廬江安豐已為近人長 別之在廬江斯為 小別至 州 於 經營江漢大別若 大別三語濟而後至 水 確證 部 界 徒步造馬 爭大 決篆訓 辨之而班 在 別 漢陽注 大別 者 廬 大 山口 均未之 江 漏 11 別也余時 風脂 有決水 兇 道 無由至大別 士能 傳 說 鄭 及 康成 別 考示 出 眺 据 閣下 加 杜 漢 者 劚 善 別 丽 丽

与動きと大声学生

4

雖 絕遭之名遠在沅湘上今幾如帶吳嶽與華並學端霍 也夫天下之物今昔顯晦至無定 出虎渡 河濟深深最先絕河南行奪推推下流絕復北行奪濟 夏口復見龜山殘雪猶積水落岸迥尤龐然於江漢之 別闕不知處或曰在安豐云云旣至長沙隨學使者按試 川遭 故茲山自足表著於武漢之別猶襄陽昔為 為南嶽 小特著於漢上也甯用肓大別之名以取重 河下荆 州常德三郡沅湘資禮諸水皆剛其城今春北 今則 州 知者尠漢改流廬江之大 沙市至荆 河 口汎舟周洞庭一 矣 Щ 川其特巨 別自 敷 重 珔 眆 匝焉 褙 耳 业. 地

ニイシルちニッをスタモニュ

果也庚戊八月告成總斯路者具車券致客通車張家 出居庸關記 廣武 由京師止 居庸爲太行第八陘居九邊諸關之 推進甚舒遲魃四硐短長各二 虵行上 以落之余以二十七日擕 相 距十 重日 山其高以漸左旁有澗 硐 於關內為南 五里城 已在平地餘鑿山之麓通軌半壁巉立如竖長 樹石有致山勢險峻疑不及武勝關然武 日中日 垣繚焉 上 日 由 山路嶻嶭工久不成欲往遊 入達嶺嶺最高最 張家口 僕出西直門登車至 觀音 水 石淙淙機器車一 止 **硐最長逾於武勝** 自京張翔設鐵 於關 北 髙 下關最 南 挽 剔

TO BE THE THE PARTY OF THE PART

閒者電瞥過矣山 歌詩及之今鐵道旣通昔之短後匹馬憑眺於荒煙夕 葉已黃落矣元代往來灤京此爲孔道元臣扈從者類 露者不見其嶄絕也未出關僅襲狹衣關外頓易羊裘木 **苻登高能說者** 如摩巨刃居庸越山而通硐在山上山之鳖無壁立 一石遺室文集卷五 形勢果異於古所云否耶姑書之

泉若木之奇而奇耳太山之所獨者有極天之天門廣 爲調此太山之奇而非太山之所獨 **有之寰往** 日將午至泰安城 腦七千餘級之磴道以至之也余以辛亥六月十三日 山之陽自頂至足有石而無土其毛有松若柏無他木 齒 微缺其中央天門岩古貨布之 無 天門者在數 肵 往有泉 有 流之痕 則蒼 夘 小者滴應大者迸瀉凑赴諸峯之 者上天門之 首之天 千仞之上夾持於 **逆命肩輿不數里至太** M 已其下有若 磴道也又其下爲他 也凡山之奇以石 竪上見其穿貫 兩峰之 山之麓 顚 瀑 峯 閒 布

步橋僩居磴道之左自雲步橋 磴道中貫有左右徙 丽 **望南天門之近遠小大無以甚異於初見時也又數隱 門隱數里天門** 傲來峯睨其旁丈人諸拳瞰其上向所見一線瀑布 蓋東峰之水多小縣流數疊者滙於雲步橋 隔 留其痕者乃覺其有層級 而稍屈 一井俯視穿術矣天門以下左右拳以十數 下別入一湖 橌又居磴道之左東諸峯之水入焉此東水 石遺室文集卷五 肵 叉見凡數隱見至中 謂十八里盤將盡處也進行數里而 此東水之歸於西者也自中天門 而 無他歧自天 也漸近 下至中 門下至五大夫松 天門 天門登山之路蓋 天 門쀙 兩旁之峯壁 而爲瀑 居磴道 洞如 見

磴道之居右矣此所謂東西以磴道焉中分之界也中天 縣崖絕壁危峯之隙人跡所不能到全山石紋斷裂億 **跆峯之水岩水簾洞者入焉過橋** 兆鏬形多正方長方其園者百之一二銳若峭者十之 水岩經石峪之瀑布簑衣亭之三叠泉皆入東澗無改 **小知若干歲兀頂猿臂鶴翅鸛啄行列孑立側** |百丈千丈者千之一二風霜之所剝蝕雨雷之所穿器 以下其木皆柏無 焉柏皆數百年物夾道蔽日尤蒙密者稱爲柏洞 が 東 者 西水之歸於東者也自是 也自迴馬顏下至東石橋澗叉居磴道之右西 松焉中天門以上其木皆松無 至山麓西王母池東諸峯之 下 īn **澗轉居磴道之左** 出 倒挂

们 用 石突兀負戴萃成數工分麥洞廟未入天門者靡得見 西而 III) 充溢故能 日觀拳之東軒近眄徂徠遠矚新甫梁甫汶 **硍崩墜於澗谷者**不 遲 | 桐碧 西横亘衣帶縱流數道入焉濟水今已奪為河自 明 M 石 北汶水入焉其北不可見其西 色 月全體 觀 相 霞元君 凡紅 日出天晴而有紫氣蒸為薄 石遺室文集卷 閒 水泉噴薄潤澤巖岫挺生萬餘苔草濃縟 3 將昇之頃紅 將 物無與並者南天門之東西北皆 西 入乃入南天 可數計而筋骨連絡精液內含氣  $\mathcal{I}$ **光横射數百里須臾近** 門其上 可見南者 無泉若木 大畧 水 銘 亦隱 自東 恠 典 南

壯余皆未至也同遊者元和胡玉縉余僕張宗楊 天門山之陰有後石陽松尤奇傲來峯 殊異故不憚復詳為表之衍叉記 姚 山無以異於衆矣當日由東道而登與今日由南道者 伯封禪儀記則鬱律千餘言殫詰厥狀蓋不見眞面 姬傳登太 一石貴室文集卷五-山記力為其筋示不為題裳也東漢馬第 下有龍潭瀑布 1

遊明陵記

者可知獨天下之大古今之遙萬窠之賾其服絡統系 其自然及其氣之將澌蹴而踣之質不加力焉古今一姓 伏聚散隱微曲折變動而不可究耳明代獨夫之痛虐 濟其惡十嬴政 血成渠伏尸成丘而不怯者以爲異族 天道遠而地道邇一簣之山必不生干霄蔽日之材反是 凡物之生方其毒之旣積而厚雖造化之强有力亦姑 盛衰廢興能遁于此者蓋尠此何道邪萬物本乎十 恥 而共憤也吾能於其掌握 而 五桀紂彼其敢 収 而還之中國 刀 鋸 中國中國 鼎鑊待天 德

世國家之將衰亡其子

湯武矣吾

又何

m

不可後

11年間からして 生だいでした

義禮 可及 必允 耿 葬祟 無 彼 而代之 豈眞異乎人之 數 異解矣示樂 子以六極之弱 一嬴 Z 論 無萬 族 政 明又不然 们 ないはおおろうとうぞう 連 而 防護之 無葬身 雖 數 湯武之我苟未 岡 欲 叠 也 也而 長陵 阜專 乃至 且廟 及 性心悅誠 地 下 十 也天道 凶 办 、誘 居 爲 赡 社 短 三陵聚 其実 可也 FH 明 旣 仰 設 爄 至於 Ш 服 而後人 而 最 於 陵咨嗟 且 初 於 初 峻自是左 勝 日日 不計其環抱之 無 欺 其 狐 平 **紂嬴政必堯** 國 哉 H 前 绸 州天於 爲 寡 馬

城合各巨柱以上至 琢成者自 乙石棹嬴 付木矣嬴政之屋兀蜀山甯足道耶定 矣赤眉楊 理宗之倫 徑 當 臻於 昭者竟若此可不異哉長陵享殿枏木 耶 콰 繼統之 政之錮三泉及足道 壤 有餘長 **璉** 真伽之事後此 况乎史家之不必紀載耶辛亥七月與陳 而厚於朱 使憑用 特爲之記 初 削 梁棟榱 數 者太息痛恨 氏哉朽胔 始 仞 題簷榮株瓦之屬乃 如是者六十蓋盡 程作三十餘載 耶 前清 必無天道 何 不視史家之 既照仁 而長留 陵監墓碑之 一何薄 杜大踰 子義 乃成 1 組 國 桓 無 加

堂日蕭閒堂其閣曰蕭閒陷又自爲女冠象擇古今女冠 譜以爲蕭字甚隘乃天文則暧蕭天時則蕭長地理 未易悉數也及言吾若多金當買一山一丘日蕭山蕭 觀音張蕭亭余蕭客質位則蕭王蕭公器用則蕭局蕭斧 之名者為主客圖焉其樓曰蕭選樓其書則左氏傳史 主各圖焉其齋日蕭齋其亭曰蕭亭其閉關處曰蕭關 寺曰蕭寺自爲比丘尼象擇古今比正尼之名者爲 閒 蕭森亭蕭閒閣蕭閒堂其在人則蕭郎蕭 丘蕭關蕭縣蕭家巷官室則蕭寺蕭齊蕭選樓繭 主人欲仿杭堇浦之杭譜屬樊柳之屬譜而作 一日間巨く表祭丘 娘蕭史 則蕭

於蕭寺之僧也一僕甚似蕭頴士之杜亮與謀異日 斧而樵也言已相與大笑因自號蕭別堂主人嗣余有宅 居余獨居斯堂斯齊斯樓蕭家况味蕭 武昌京師而主人歸道山矣前嚴余棄官歸兒輩避 漢 雄蕭 區有堂有齋 ,粧樓聚吾蕭氏婦女之名者爲主客圖焉其齋若亭若 蕭 書昭明文選齊書梁書周書蕭茂挺集蕭東夫詩蕭貫 以居兒輩自 前位置以蕭宅二三子若竹若石之類焉 尺木畫聚古今婦 局而坐吾習勞貧亦能緯蕭而食學吾先姑持 - イギーケニコンイフタイ・コ 有樓有竹石與主人共處 以此宅踐為朋主人之言不視蕭 女之能文詞 者為 兀形 將 主客圖 神無幾微 百 吾畏 H 焉又 叉 亂 虚 淯 衍 別 遊

					拾身蕭瑀之捨宅盆親切於事情乎
	•			•	

陳都基基古靈先生遊 為流想亭為謝泉半里許 中 宛在 堂在 小浮圖左 書院亭臺就 之墓在其左紗 許 洲 郭 山生漿 外右 **清澄瀾閣在焉度飛虹橋又湖中** 餘泉不敏者又里許為地藏寺里許 則梅亭 焉 其 後 | 日本田のとしてませんとし 轉爲宋李忠定 轉爲小西湖 記 曆為大夢 過亭左 小 榍 孤 神 孫爲明都 山鏡湖 山吾婦翁之墓在其右白龍 數十步則文筆山矣 山有松半里許 過雄兵橋湖居堤之百左 **亭無名於是** 洞 亭在焉徑祠前 循洞垣 御史者也旁有 左轉度 育湖 為第 洲渚開化 為實 不橋 堤 左 一亭堤 洞就 膊 福亭 溡 里 Ш 西

.4.

古之境往往 前突兀之可 居 黄店江 夫余以爲 掰 內之軀 登麓左 買舟 干吾童時之所則 畝 外 亦 周 深 . 光 左望某氏墓亦多松則所來徑也外拳稍 既 轉得徑漸高里許至第三峯下則吾生 如之背有某氏墓松十數右望某氏墓松數十 演具 無矣 趡 八死無 帆 了对当少身是 漢之 見者平司空 有 影歷歷去 (腐無 又曷 設於吾心不必其外體 所往來皆在茲山之左右天下甚 知葬之宜荫 所 行 為 擇地 於 遊 來黃店者 表 洩 眺吾典家人清 聖 清 脱其有 Ī 淑 顧 刚 仲瑛皆有生 意若甚得者自 梅亭大 巾 舠 倮也久矣厚聚 之親嘗者 陇 路 惡之情 叨 至洪 **撕**矣地 壙 冢 遯 湖 江 遬 児 固 其 處 亂 侧 旭 也 村

ď			\$19 CUSES	Brawness							
	  -	Ī	,	]	j .	]	ļ		其	H	别
		1	) 					ļ	左	桃	業
				1					子	李	林
	j							]	子		犂
				Ì				ļ	婦	盤	ラ
7				! 					ועו	<b>7</b>	1
ļ					!				-17	ᆱ	<b>ម</b> ម្
									足	Ak.	
					i	-			力士		
									<i>五</i> .	<b>水</b>	La j
				! !				ļ .	并	百!	源
				<u>.</u>				ا اہ	其左子子婦以次居左降數步焉	期	方
					į			,	<b>夕</b>	4	
				]	j				病;	果	諫果
				; 	Ì				. 1	北:	果
ľ									:	界	大
ł				;	1	i		ļ		五	可
					1				!	妻	蔭
					}	i 				鷹	献
				{				1		<b></b>	献 後
,					-				;	本右	編
;		}		],				]		王 .H	[本]
						,			:	在	果
									İ	<u>    T   </u>	個

處或 苑若 燕都 遊 立 昆 以癸未至 未圈以宫牆 色慘猝之檜柏 如 **那拉后繼之** 印板 橋 西 明 苑 以 湖 西東瓊島面其前景山踞其東北 世傳李 四 浮圖土阜崩然於三 千步廊最勝然 採玉泉之源循沙 北 記 都管驅車徑西華門度長橋 隅多遼金故蹟至元以海子著至明中葉以 **爬石豊** 室文集各五 已 昆明湖未為 **如之臺蕭后之**粧 西余 使人不怕后 乃得游 去 堤 湖 頤和園也戊申清景帝 海之 和遠 前後截留海軍費八千 撫 頤 金牛徜徉久之時則三 樓 和 園 問所謂瓊島者當之 更千百 不受湖光又夾持 湖上 金鼇 丙成同 年 一宮殿 計 未能 玉 |嫐華表 排 游 **观**葉 列 碓 結 萬 海 指 海 金 屹 西 淀 其

嫌 こ 踵 俗之異然亦垂垂為廢苑矣同游者相與欺惋夫以富 那 海 府 團 海養以天下荷平其政區區亭臺池館之 無不亡之 曾 師 拉后以浮橋禁景帝處苑中景色蒼黯與頤和 水 城 涶 岩 、橋左北海右南海蓮葉無際老 傅王 無幸者愿者恫焉點 右 内怨所經營壓若 1 無 弊 **歷承光殿紫光阁三希堂諸地循海壖** 大 子端午節後導游西苑隔三十年復登 アンバラ 過 國四時之代謝烟雲之變滅廢興成毀之 瓊島古石堆疊 然 而嬴政陳叔寶楊廣趙佶之徒 1111111111 此辛亥清少帝遜國 者戒焉豈得謂之過計哉顧 相 傳自 艮嶽來者 柳蔽虧驕陽 灰族 弢庵陳公 Ε 即多糜 周 至瀛臺 一金鼇 過橋 敗亡 评 園有雅 圖 有 觀 侚 俯 繞 相

		بقدم ينظال	ا نظم بدار دان ا		<del>-</del>				132	古	晁
	`			٠.	 				理	梅	野
1			;						مسین	製	四
				•					姓	跃	
							6	· .		前	窮
哽				•					豕	為	也
石			<u> </u>						之	之	桐
遺		ų.	·	ļ		,			足	財	者
石遺室文集卷五				,		,	<u> </u>		<b> </b>	力	戒
菱									H.	北	名
隻	•								亚	胎	班
火火									TK.	重	流
1									2112	FI   J	
71, 			,				·		٠	品	<i>tu</i> t: 1
1					1					凛	X.L.
				!						角	宏
										哟	<b>派</b>
i.					i					人	凡
										呵	那
돘	•		i							無	國
			,					1		能	家
				•				'		在	尋於無窮也恫者戒者毋亦一姓一家見耶國家者積
1										者	桶
			,							再數民命為之則力其脂膏也脂膏竭大命無能在者而	無

成 輒 上石 轉 松 進 ,澗盆 所 獨 **鎸**捫壁二字若告 轉 L 數轉 叠之泉瀉 E 磴 獨 侧身嚴身側 地 異 經 數 於 則方叠之泉 自葛 衆松告余 石亭奥夫遠 馬 領東北行 萬翠紫 乃過叉進全嚴 泉 右有 人 路 ĮĮ 潟 Ė 可 亭、 此 密 難行者然 進 髙 指 兩 何 山路若窮 延 刄 Ш 數 行外 分排 贋 峰頂. 訇 也 轉 Z 開 由-中落 固妥帖 石 由是確 是 近 壁陡立 石 石磴

旁 於遊 畧 及知則以 狀抑其末矣福 者自 . 德化寔名 風弦 間 爲 長江之石鐘馬當道士 屋 向所見之巨松 似匡廬 余為 月在 水簾敷 知之非余私其鄉之言然解在荒裔 石遺室文集卷五 開 南港山刻水厲富竹饒石 樹 私其鄉之言也亦奚不可 先而水莫雄於龍 州自陶江 自 1 尺被 雨聲潺湲花木覆簷而 表焉 乎其右也厂 無 以南沂流 磯葛嶺二小瀑分左右 瓦而上 潭石莫奇於 派 石 不雨 班 腷 刹 縣 Ţ 口赤壁苗 九 治以 介 攢結 汦

衡金 鄭康成隋唐閒之 張朱邵六子以及其所傳各弟子外往往鼎革易代之 **剧黃王三儒從祀文廟議** 儀張履祥輩皆獲與於兩庶之列而王夫之黃宗義顧 更 **口逍室文集卷六** 人伏生毛公高堂生東西漢阴之杜子春東漢三國明 見文廟從配諸先賢先儒自孔子孟子弟子宋代周 則有蒙難艱貞之 儒至今關然前有奏請者均遭議駁體臣之意殆 履祥吳澄 一石貴室文集卷六 明末 工通宋元明之文天祥陸秀夫趙復 一節晦則有傳經抱道之儒若秦漢 國 利之黃道周劉宗周孫奇逢陸 侯官陳 行 際

知微 孫奇 求之者也又曰篤 役死節 皆絕懷故國之死靡他揆之孫奇逢陸 王黄 有異故 一心也體 迹 逢 陸 比 好古竊比老彭又言我非生而知之 謝 儒曾事會 微有不 純 干心同迹異孔子許以三仁文天群陸秀夫 臣駁黃願二 世儀張履祥之迹也三儒之心黃道 枋得不逼使北行則猶 迴審順未敢議准因就其著述特用苛求歟 粹精 [i] 乃孔子贊乾德之辭未易遽 方諸黃道周劉宗 信好學守死善道孔子之自 一柱王炎武雖受唐王之召 儒謂篤信好古則有餘純 可以不死故三 周國亡 世儀張履 者好古 死殉者亦 一而未 道 周 及孔子 儒之 劉宗 始 然

然荀 有遺 宗 歌之流亚禮 其之古文尚書考陸 疑 生 陳皓 平 **周之周易古文鈔** 處此不過放證之有疏密而已從祀諸大儒中 夫之發憤著書有 學行 過 議而於張林之癸巳論語解癸巳孟子說王柏之書 子有言能以夫干嚴之道自持 旜 旣 此黃願 一石遺室文集符六 ,師配於瞽宗上 臣謂其著錄 已大醇則 記集說吕坤之四 儒既當之 世儀之思辨錄輯要四 四書學案孫奇逢之 楚 固 屈原之遺 無 四庫及存目各書均有純 庠 矿 無 從 疑糾正尤多而 愧色亦足以從 者 配也 風瀟 斯命爲干嚴之 四書近 施於民 郴 王夫之何 怨諸 庫書提 諸 指 訓 祀 要 駁 廟 如 信 皆 劉

於崇儒重道之大公有所未盡理台具議咨請貴部緊核 用孫奇逢陸世儀張履祥均已從祀而三儒未獲議准似 國 施行謹議 以死勤事及郷先生设而祭社者不同今黃道周劃宗 公意主駁心後廣雅相國在樞廷乃力持議准行記 石議由學部尚書樂華卿協揆命作稿上大失意旨樂 ----

能 政格 等學生言之文 **賈給舉人也多不願升入大學其願升大學者亦願升法** 家創立學堂以來為學生者皆注意新學謂 行所聞各高等學堂學生視賞給進士翰林無以甚異於 也 請大學經文兩科學生由各省保送議 大學為各高等學堂卒業生升入之地惟經文兩科皆舊 集各學精者已無幾今更如此廢棄惟有 者質則 學成而有用也至於舊學久以爲無用且若已 揆 致 諸今日情形非變通辦法必至有學科無學生自 農 I. 何嘗知何嘗能向者新學未與科舉未廢經 一商醫各科無願升文科 學 經學平時本非正課其素知 經科者且以今日 知未 少 門 徑者 却 夘 能 日 史 能 高 國

於天下矣謹議 若再遲十年則並此等學生亦不可得中國舊學將絕迹 優年歲稍長未入各種學堂者其人旣堪造就培之有 行保舉應攷當此舊學廢棄未久各省士子尚有根柢畧 貢生監考察保送來京考取派人其遊學隨宦在京者另 雨科既乏合格學生惟有變通辦法咨行各省令不拘舉 不乏人而絕未究心者實十居七八愚昧之見大學經文 不遺室文集卷六

興孔 兴而 酒业 謹案三年之喪無可奪情惟金革之事則無辟 容情議 權 革之事無 伐 旣葬而致事此經 母之喪三年不從政曾子問曰夏后氏旣殯而 侚 楚 禮 攘 子 凡諸侯薨於朝會加 **也王事即金革之事左** 服王事大夫士既葬公政入於家旣卒哭弁經帶 冈 夷 日 事倘右 吾聞諸老聃曰昔者魯公伯禽有爲爲之也 辟也曾子問日子夏 狄以尊周室也金革本危事凶事老子曰 俪 制也喪大記曰君旣葬王政入於國 將軍居左 N. STATE AND ADDR. 傳許穆公卒于師葬之以 等死王事加 將軍居右言以喪禮處 日金革之事無辟也者 等是時 致 事般 制 廿口 齊 金 侯 业 平 仪

事時已 君使之之使即期不使之使皆專指金革之事言本當 軍將已受斧鉞辭 卒哭可 泛使從 推南子曰凡國有難君自宮召將詔之曰社稷之命在 而 而後使故曰已練已練男子除乎首故要經也或伯 可服 服事合者禮運曰三年之喪與新有昏者期不使使 事可反喪服故問子退而 練 卒哭尚未及練不得已而為之 政也公羊傳曰古者臣有大喪則君三年不呼其 可以弁冤服金革之事君使之非也臣行之禮 事矣 服事其服 一て選室文集者フ 禮 運 们 稍變為升經帶與公羊傳閉子要 孔子之言喪大記 乃爪鬋哉明衣盤 致仕也而喪大記 ~故權從 七十子之徒 团 門 遂 M 一練之 出 以為 故 Minister A. 所 將 絰 服 世

μ,

禮之可從欺謹議 所辟故伯禽閔子皆不敢辟而喪大記之卒哭服事亦權 以禮運之言為斷但忘親之人從政其所趨金革又其 / しつはかれたのして 血マスな リー ĩ

が民 鄕飲 禮 為 训 道 於 শ 萷 热 禮 朝者也鄭康成 飲 見 衍 世長民 Œ 賓 齒 酒禮 聚之時 ž 而 酒義者 Z 位 鄉 與賢者若今舉孝廉興能 子 鯏 莫 賢者能 者 厭 舉於當 有言天下 謙 欲 地周禮 如德置爵尊於 峢 馬寓 石貴至文表答六 見其 鄉 注儀 īĒ 右 老 觓 操於 岩目 1 鄉 鄉 有達 及 大夫 化民 老 禮鄉飲 知 鄕 尚 及 尊三朝 天子諸侯之 職 賢 成俗之本而 夫 鄊 朝齒奪於 第長 日三 羣 酒禮 者若今 夫 延 以爲 莫如 年 是 帥 獻 腎 鄉 則 也 鄉德舉於 其 · 學 茂 Ñ 節 大 故 發明於 能 大 郷黨 jt 飲 夫行 與其衆 Z 卵巢莫 六 一才後 奺 書 酒 其 Z 於 你 鄉 办 於 一德行 戴 禮 寧 信黑 而 酒 邚 鄭 鄭

儀 侯 周 介叉其次為衆賓而 丽 也 而 亦 致 徒 禮 Z 職 右 仕 卿人之賢者是以大夫就而謀之賢者爲賓其次 之職以鄉三物教萬民而賓興之是禮乃三年正 言興者謂合衆而尊麗之以郷飲 郷大夫 鄉 其 剴 老 也諸 飲 酒 E 天 於 朝之 子 、也先生鄉中致仕者賓 鄉 侯之鄉大夫貢士於其君蓋如 禮云主 鄊 里大夫名曰 よれ ゲニーン イライン 制 、
夫
之 一人就 與之飲 醴 先生 詞 詳其侯 父 酒 此 則 興 師 是亦將獻之 们 禮 謀賓 賢 土 國之儀非二 一騎民 能 介處士賢 名 介 酒之 E III  $\hat{\Psi}$ ļΠ 鄮 行 一禮禮 飲酒 . [] 此古者 注 卿 師 事 禮 者 飮 间 禮 而 教 周 也 酒 省 賓 學 禮

飲 開が禮至 肵 IF. 禮未亡之時篇內論 雏 者五豆九十者六豆是也必正之者爲民三時務農 謂六十者坐五十者立侍六十者三豆七十者四豆八 齒位壹命齒於鄉里再命齒於父族三命而不齒鄭 既族不入是也買疏云儀禮篇卷並在之日別有黨 嚴十二月大蜡之時建亥之月也正齒位者鄉飲酒義 酒之禮見今十七篇內無黨正飲酒之禮故云亡 馬 屬於鄉飲 卿 以 大夫必來觀禮鄉飲酒 此事屬 一此農院教之尊長養老見孝悌之道也黨正飲 酒 於 郷 正齒位之禮其義具悉今 郷飲 飲酒之義微失少矣凡射 酒義 惟有 鄉射記大夫樂作 以上豆數之 1 飲 凹

學校 毎歳 教民之義當於每歳 飲 鄉 有鄉飲 飲酒 酒 此 郷飲 遊分為 及各直省學校至每歲孟 周禮黨 之禮 惟有 亥之月 醴 舉 酒之禮舉於每嚴孟春望 酒法義理乃未足微失於少云云此正 禮 尤 一て近日の母者コノ 者 一事 賓 爲 一命以上觀禮之事二處 I 所當 國 也 然 無 索鬼 Á 明以來旣有 N 大 今停科舉而與學校合古者 鄉舉里選後世變為 奉 比賓興三 正月望日舉行賓興之禮於京 輔 M 鄭 康成 祭 鄉試宴本於賓興之 冬朔日 年一舉孟 祀 以 日者亦本郷大 肵 禮屬民 牊 肵 相 兼比 春之 科 一於農 舉 舉賓 鄉 而 一齒位 於 飲酒 鄉 飲 儀禮 與 郍 們 禮禮 侗 娯 Z 師 於 酒

班 **弟達乎朝廷矣行屑而不倂不錯則隨見老者則車徒** 道五十不為甸徒頒為隆諸長者而弟達乎軍旅矣齒 **尚齒**夏后氏貴爵而尙齒殷人貴富而尙齒 尊長發老見孝悌之道者也鄉飲酒義引孔子之言曰吾 尚且不專於鄉況於鄉乎故觀鄉飲酒之體 佝齒七十杖於朝君問則席八十不俟朝君 佝齒年之貴乎天下久矣次乎事親也是故朝廷同爵 觀於鄉 易易也謹議 而老窮不遺强不犯弱衆不暴寡而弟達乎州巷矣古之 者不以其任行乎道路而弟達平道路矣居鄉 而知王道之易易也祭義曰昔者有虞氏貴德 || 石貴室文集をう 問則就之 周 M 7 人貴 知王道之 親 M 而

身誦之勿敢忘長入京師應禮部試既屢不售出而佐幕 洛誦謹誌其姓名勿敢忘其姓名之屢見不一見者則終 敢諫章疏無問其有為而言與其言之得罪與否必琅琅 送高嘯桐出都序 用其言者政績恆有聲鄭蘇堪提刑者以經世才寫東諸 **侯所尊信則亟稱嘯桐粵督岑公春煊用招嘯桐入幕時 石遺室文集卷七** 朝使学公舍去粤督督四川学公不欲往請入朝恃孝 桐自其少日里居即繁心天下事喜閱邸報遇有能 **候官陳衍** 

欽太后之眷不俟命突至與岑公異者大賦於是得長

プロはおとしまいろこ

無效也乃必預拒其入臺非計之拙歟然至不得不用 名之日嘯 試第 預拒則必有窺之於素者矣嗚呼孰使嘯桐而使人窺 桐卽入臺日上封事彈劾權貴權貴誠有力固百 奏請考試御史勿拘舊例京外官七品以上曾權實缺者 得保送嘯桐曾以同知權知梧州府事者也與保送 為御史有日矣御史例須記名第一 桐東裝以待亦自疑不得記也已而果然噫 嘯桐以丞若參事未幾岑公又不安其位去乃 いていることをよっ 一例無不記 封事

**諸部院長官** 艱 尬 地余 見君意許在 至余寓廬言將暫歸色若甚惜 酒格格 為學部主 危陳書獨言請長官代奏至 事語 强 知吾未 重 不 伯南 **.** 以度支大困 其冬朝廷將大改官 事之 能 朋 謀 悅 に関いせて表だって 成或之 比其曹放試 讀其所為 灰之數京師 四年 耶 序 願 計無 君獨未有 桐城 2000年 抱潤 知交若某某辱於吾有 所出 而去 一深痛 君通 蒯 **町文集酒然盎** 將 旣 制 留之今月二 惟出於汰人員減 贈言異日 们 而 不傷附直 亦用學部 国 合於 相 别 思 君若 H H 良未久 本 見 通 覞 伯 俸 以 滁

時然 師 而 月將來吾婦甚阻余余日京師 **南昌安慶皆東南繁富都會至往往** 則 多能飾文采盛賓從益 矣甲午 猶 十年老矣丙午七月學部大臣 余家世貧賤 非自求仕來者 貧富多寡之不相若也今各 余所居若武昌若長沙若 國事遂 一インカケニアをラをして 棘戊戊庚子 少時天下大 於吾心亦有所 繆謂 以舟車 亂 其能以禮招之 友朋文酒之樂 Ī 愈 初定 Ŀ 便 一海所遊若 以 面 部院有效試之 利遊客奔輳方諸 棘有微官遂以不 其賢者而是 文書調其明年 亦嘗習科舉求承 察吾二 不那 杭 双儕諸 州 說 邦 如 吾

然吾言余恐其三思 月三月 味畏寂者避之吾方欲從而求之意有所得也然不遂 以求而必得者友朋文酒之樂也故重可念也通伯甚 而求之者以為不辱吾身者可以少留而非其事會 寥廓之中園林洞廟屋宇邱基陂塘叢薄 吾里中舊遊蓋零落暑盡其存者方宜遊京 / コードー・ たいこう しょうしょくし 而終遠引业遂書之以爲 **陳迹隱** 

遠遊之 爭為諫官不二 疑亦浮沈 為樂者又何 別江亭別東華 不報亦終不之 也今嚴正月忽為詩七章以 何為 , 棟連楹皆古今人文集及史學輿地之書至上 水遊與余及薨生的谷數人時時為五七言詩 これないにしく 食べなべい 官 一年草數十上傳聞彈劾皆 門 以自晦者然性疾惡至嚴憂天下切於 歸新昌序 人情之 一罪故語秘不得詳雖至 刖 琉 所甚樂 辭含蓄意極悽惋瘦唐信 廠書賈別會館花 則所謂語秘 地余識 別僚別友 不得 親雕 親貴上 唐尚未為諫 謝 亦未嘗 瘦 及禁 飾 歸

]

吾之見諫官亦衆矣言人所不敢言得 樂瘦唐之歸固不忍瘦唐之甚 所言已暴於天 身以退其双何 去 價其實一 斬價於其名也 實之不效而名之不居 而教其子瘦唐亦以其所 以與其萬 一イジスクヨークをオルモーと 道以自處那瘦唐二親在堂蹋養 下皆言之已得其償者也若言之 一有效或終不效而 樂易其所不樂乎 不樂而久居 罪以去或 不得罪則終 地

矣桐城人士多以文章負異於衆余所識馬君通伯 恣肆自喜馬姚二君於其文不甚相合而亦推其能自 異者有以相處得黽勉以安其身與否君子所以覘世變 天下之亂尚未至阜阜訛訛之獨於有位而民力屈無復 事而間 不守桐 八深言下筆不自休往往塗竄不留十之三四余當柳 幽憂窮愁之氣尚不湮於下騰於上也故士之岸然 節皆能爲其鄉先生之文而識陳君劍潭先于二 劍潭南 城師法慕太史公班孟堅之言其至者權奇動岩 世故周旋爲文章不俟人推許而自推許動 劍潭之文世人疑信 歸 相半亦由 劍潭喜談天 君 姚

學堂聘充講席方謂劍潭得久居此相與談諧歡醉少瘳 豪其所為以爲不如是不足盡文章之變所識諸侯公 吾人天家國之鬱紅乃終不得安其身以去吾蓋 所引為知已親若骨肉乃無踰老病類唐如余者亦可 記奏舒紙疾書腕欲脫歲入干金數千金塵以救其飢 大夫不乏人而屈於微官不往爲奔走四方市文修書掌 其力益以發舒其文章豈 丁年之間至於今日世變**好愈岌岌戾南中之强有力** 初見於武昌再見於京師陸軍部長官辟修兵學書 有知劍潭之深豐 用志紛或故摘其疵鏬以 以養劍潭者乎使吾劍潭有以 稠 劍潭一人一家之幸哉 相笑樂 俯 劍 仰 郡自

先生 訊 者之所為欺余識馬君 為 君子得 然若張 縮 有戻若 餌 桐 務 文章與桐城 人不必桐 桐 桐 使 孫 娰 城 溢 亷 詞盡意 通伯妻弟二君 人所 以能文章名於 姚 言 卿 **(** 叔節序 溡 吳摯甫 許與執為能文之券而 城文章 私 自許為文 不盡 相彷彿者時時別作於是有桐城文 者然江 陳伯嚴之 以至詞 則不能 皆刑有文集 通 **時殆二百年而未有絕文章**遂 西 人者往往以能識學炎通 福 伯因識姚 外於 意俱 建浙江江蘇 倫皆律 不 桐 虚 通 君 伯昔藏告歸 1 叔 미 桐 節 馬西 册時賢許 不 城義法 叔節 調謹嚴 湖 寫 紆 南 伯 北能 識 既 派 有 加 石 [1] 誻 苔 岩 疨

美視海上羅浮二山且遠過亥字與山 余言之足為桐城 郷而文 余贈言叔節亦以宿諾在彼今年重至京師斤斤責償豈 江 匡廬彭蠡宋六家之文炳焉吾中國多 化 悄然 H 不是全文集角七 就瘠薄齿野則其去 以憂者也 人重歟吾聞桐城有浮山嚴壑瑞瓏 相發越蜀 山 水雄秀之 皉 目